



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三三四

林青山先生文集十三卷附錄一卷 林愈蕃 撰

一

素餘堂集三十四卷（經進詩二十三卷經進文六卷古今體詩五卷） 于敏中 撰

二二五

海山存稿二十卷 周 煌 撰

四九一

乾隆癸巳

金堂陳璇圖校訂

林青山先生

文集

斑竹園書屋藏板

林青山先生文集

林青山先生文集總目

卷之一

書

卷之二

論記

卷之三

學規 得心偶錄

卷之四

序

卷之五

林青山文集

總目

題跋

卷之六

詩一

卷之七

詩二

卷之八

詩三

卷之九

詩四

卷之十

校義

清代詩文集彙編

詩五

卷之十一

引碑

卷之十二

賦墓表行狀傳祭文

卷之十三

說雜著示

附錄

墓誌銘

言行拾遺錄

林青山文集

總目

年譜

二十

敬義堂

林青山先生文集目錄

卷之一

書

與高白雲書

與陳璇圖書

復沈草村書

上李府憲書 乙酉

上龔觀察書 丙戌

上李府憲書 丙戌

與楚南族人書 丁卯

林青山文集

卷一

目

一

敬義堂

與謝敬菴書

與姪興祖兄弟書

與趙希光求香遠堂遺文書

與趙秋闡學侶書

與趙萬燮言刻省心要覽書

與趙丹元書

與李韓五同年書

與華名孚書

與刁若山書

與王右民書

與姪與楷兄弟書

與楚南族人書 甲申

復師象璜書 乙酉

與楚南族人書 丁亥

與楊肇修書 戊子

復高侯書 戊子

與族弟愈敏書 己丑

林青山文集 卷一 目

敬義堂

林青山先生文集卷之一

金堂陳鈞璇圖校訂

門人耿輝含齋叅閱

姪與祖 編次

姪孫資裕校字

書

與高白雲書

辱致書以淮州鎮濂溪廟落成觀釋菜爲約此吾友崇
尚道學惠及朋友之盛意也幸甚感甚竊惟道學之在
後世衰替久矣佛老祠宇莊嚴過甚踵事增華不惜傾
財產以奉之至於忠臣孝子理學名儒古蹟荒涼不堪

林青山文集 卷一

敬義堂

憑弔卽祠宇僅存亦聽其鞠爲茂草無復有過而問之
者故建祠宇禮聖賢甚盛舉也然道學之實不在徒有
其廟而貴實有其人其人不在鄉原要譽之流而在磊
落光明之士昔延平李先生意氣豪邁數杯後卽馳馬
數十里然後返其後獲遊仲素之門途一意收斂朱子
稱其粹面盎背真不可及蓋唯其高明慷慨任性自如
未嘗以雕琢傷其天真故其收斂之功深沉縝密異於
衆人如此也足下以豪邁之氣歌吟笑呼旁若無人僕
每爲人言之以爲氣象光明甚不易得而復加之以崇
尚道學志在聖賢雖先賢祠宇亦願與朋友共奉之他

日涵養既成任重詣遠安在古今人其不相及僕不幸
早失父母兄亦漸老多病前在京師歸又值女兄病甚
今竟棄世葬期將屆讀李英公爲姊煮粥不可數得之
語曷勝嗚咽兄輩又以屋窄不堪容膝架數椽以蔽風
雨僕因率人運木遂至傷腰今猶未愈不得從容至鎮
以聽良友箴規誠爲恨事然君書未來時卽頻夢見君
以此知意氣相感果不以地隔也璇圖陳兄歸家想起
居甚安若見之希代爲致意焉

林青山文集

卷十

二

夜義堂

與陳璇圖書

璇圖陳兄足下去歲辱致書情詞愴惻不惜親縷凡僕
所悲痛哽咽無可告語者有若代言矣纔閱數行涕淚
交隕非直兄至性感人亦同病相憐故言者傷心讀者
沉痛也憶書封寄時孟冬月也今又其時矣霜露既降
古人履之必有怵惕之心足下先塋久安服闋當節哀
悼所可傷者僕自去歲五月抵家卽爲亡兄卜宅兆至
今未得一抔土停柩塵封慘不自寧每當風雨蕭颯煙
雲黯淡痛隱隱起心頭忽不知悲號聲之出口也足下
其謂我何嗟乎悲哉人生百事盡虛花耳惟此父子兄
弟之樂不可再得僕不幸早失怙恃不堪回首惟兄弟
二三人相依耳而亡兄尤義兼師友愛僕尤篤苟當時
逆知有死亡之憂不惟兄不肯捨僕令北上卽以僕之
頑昧亦不忍離亡兄遠適數千里外俾其疾病彌留恨
相見無期也痛何能極哉流光迅速古人云騁白駒過
決隙其信然耶計歸來又二年矣懸棺未厝雖朝夕瞻
臨而音容莫睹回想當年聚首時憂苦相慰適征相最
如在夢中總無實境每一念及雖應酬紛拏未嘗不淚
盈盈欲落也事之既往痛不可追尙何言哉卽足下亦
非不知此也特以時物屢變北風慘烈觸景增悲血淚

林青山文集

卷十

三

夜義堂

無處揮灑聊爲過來人重述之耳目今吾川士公車方北上未審足下意何如或奮身扶搖爲顯榮祿養計歟抑痛定思痛孝子愛日以顏曾之樂奉慈顏而靜俟擇微之喜不區區一行耶計足下必知所擇也高白雲歸來未知何似嘗念風塵相依旅邸出入時各如左右手輒耿耿不能忘慘愴餘生無力致書儻念舊道及僕足下以此書見之亦如覲面矣謹再拜

復沈韋村書

前承手翰所錄皆前人格言篤論所以教弟者至矣疎慵無比竟未札謝然亦計欲面談遂不屑屑措意耳近復致書深以弟不染鬚爲慮情詞惻款肫摯因念弟得官與否於兄寧有毫毛損益而立言委曲至此弟豈得多爲倔強之詞以重負相愛苦心哉然各言爾志聖人之言亦何敢不傾吐一盡且安知吾兄不包而容之遂以此獲罪於知己乎今夫立志者士之本也植節者學之實也無意無必者大人之所以與世推移也必信必果者小人之所以異於斗筭也竊謂既不能違爲大人

則當且爲小人從小人立得脚定馴而致之雖大人可以漸到若小人之硜硜且未能守而妄託於大人之不必信果此弟所不敢輕以自喪者也計自略有知見而後卽奮然欲脫去不忠不信舊習雖未能純卻不敢放倒此志甲子鄉試以在外擬作表判爲非場中生吞活剝用力甚艱作詩文除暗合古人外或偶脫胎前人對朋友卽明告曰此本某集非予所及也夫作文而常欲不欺則文每難成作事而常欲不欺則事多難就弟之受累受困豈自今日始哉然膏肓之疾牢不可破則誠有類於硜硜之信果無與於大人之推移變化不凝滯

於物也然嘗聞古之人其事有易於染鬚不費塗飾其害有在於生死所係不止於不得一官者古之人卒未嘗避經綬之名而必兢兢守之又何以稱哉昔寇萊公年少登科時朝廷用老成人或勸其增年則曰吾求事君而先欺君耶高允以作史事當族東宮哀之教以還就其詞爲求生路允卒不聽夫增年無損於國也而可以爲進取之階聽東宮所教非自欺君也而可以脫鼎鑊之禍縱使當日二公行之豈有非之者哉而卒不肯者此必有見於勢之一字無巨無細皆斷斷乎不可蹈而尤不可施於君父之間也又況古人臨死不易詞今

林青山文集

卷一

六

敬義堂

顧以區區一縣令而遷就於髡髮之際所謂古今人不相及果懸絕至此耶且弟非不欲顯揚祖考也但顯揚在於立身行道不必定在得官卽得官亦以事君事君必以忠忠之一字體事威在立得脚定卽格天之大業不難爲若凡事遷就他日利害有大於此者安保其無患得患失之憂也耶所以伊尹之學孟子推其必嚴一介此等事恐不得視爲無關緊要吾兄特以相愛之故不暇推求耳至於撫民之事古之人豈不欲哉而卒不免於齟齬者正恐悼本志之變化而不敢輕爲遷就也弟不幸久失怙恃祿不逮養溫飽之計頗能自克至於

林青山文集

卷一

七

敬義堂

周卹宗族里黨亦得爲則爲之果不得爲是亦不可以已乎且跋涉數千里而來誠欲得官而爲之以稍展其忠君愛民之素志然始念欲率本心以得官也未嘗欲違本心以求官也然則雖不必得於本心亦何肯謬之有今率是本來面目以往其或當事者相賞於驪黃之外歟則將本所學而措之一邑其抵牾與否非今所預憂也或謂子固老矣恐無能爲則所謂耕寬間而釣寂寞一段議論猶能取而咨嗟詠歎於無窮又奚所窘迫自蹈於枉尺直尋之計卒之漸漸苟且失其本心終歸於枉尋而不能直尺耶且其失輕重之宜又當何如耶夫染鬚誠一小事在大人先生識時務之俊傑固視爲無不可爲特柳下惠固可吾固不可耳然以三公不易其介推之恐柳下亦未必以此等事爲可也承見愛之深不獲承命又好辯如此實增罪戾然千慮所得而不爲兄詳言之是欲守不欺之素不覺又蹈於欺朋友之罪也兄亦何所取焉韓子云非足下無以發吾之狂言予於兄臺亦然覽畢卽焚勿俾他人見之以滋笑罵是幸俟敬六高兄事少閒再訂面會劇談先肅函謝方命之愆唯吾兄笑而宥之

上李府憲書 乙酉

敬稟者著一介單寒性迂才拙自乾隆二十八年夏待罪鄴邑愧荷各憲包容久矣仰惟憲臺涖衡叩謁之初卽蒙格外垂青不以迂拙見棄備極訓誡直欲進謫劣於循良且於各大憲之前屢爲推達不啻口出此誠憲臺開誠布公上爲國家愛惜人才下爲鄴邑赤子飲食教誨起見甚盛心也蕃之愚何以堪此但質雖樗散心非木偶夙夜思維寧無感激蓋嘗聞諸昔賢有云受恩非天下之所少知已得君子之爲難揆以古人士爲知已之義蕃於此時而欲啓齒乞退避勞就逸不惟義

林青山文集 卷一

敬義堂

所不安抑亦情所難恕此所以九月中叩謁歸署後不敢復作告退想也詎意居官無福竟以簿書之餘趕輯志書舊時怔忡復作又因抱疾巡歷山鄉厥勢日增已於通詳內據實由明矣然蕃之私情更有不得不一縷陳冀憲臺之憐察者蕃怙恃久失每念得沾升斗不遠二親中夜涕零又兄弟僅三人惟次兄所遺二子怯弱多疾蕃與大兄俱無子息孤苦零丁實難備述大兄年已七十每懷垂老相見追憶次兄棄世時蕃羈旅遠方莫奉飯舍今若戀棧不歸他時必將重抱此恨也又竊念居官固在一已提攝精神亦資誠實守法人相佐助

若孤立無依惟仗吏胥跟隨則瞞官欺法或有不及察

者故雖以范文正公之賢先儒猶稱其藉忠宣公少時與軍吏同處故鈞深索隱所向有功其他可知矣蕃旣無子姪在署而親友相依者又皆以親老各懷歸志不能強留蕃一赴省郡或因公到鄉錢糧倉獄內外防閑一有疎虞卽罹咎戾尤恐於職守有悞上厯憲臺之衷也故以情言以勢言皆在所當退又不獨怔忡實作力疾難支已也伏冀垂憐病軀兼察情勢之兩難俯准回籍擇賢委署則公私兩便感且不朽矣稔仰憲臺用心廣大光明芻蕘隱情咸得畢達故冒昧瑣瀆至此臨函

林青山文集 卷一

敬義堂

無任悚慄待罪之至肅此具稟

上龔觀察書

著籍本楚南流寓西蜀僻處天末見聞孤陋閣下不以爲愚進而教之誘掖獎達懇到周詳蕃得請歸川并題詩於扇以賜有最喜身閒好著書之語此大賢君子扶植人材之意至深且遠也蕃敢不益厲初心而孤曲成雅意哉竊惟 聖朝培育人材百年有餘課士以實學訓官以實政典至備矣而人材終未進於古貌盛而實衰此非 國家之教不古若之故亦士之溺於利欲者深不求聞道故所至輒以苟且從事靡靡然無由振起也蕃賦姿鄙樸不識世味并不習世態然自始學以

林青山文集

卷一

十

敬義堂

至居官不至廢墜而蹈於大惡者亦欲以古人自命不悖於道報 聖代培育之恩於萬一耳然私願雖勤而不得今之大賢如古人中之卓卓可數者而事之則仍恐振拔無由有淪墜之憂焉恭惟閣下品高量遠學博道尊抱經綸之才而懷先憂後樂之志蓋以古之第一流人物自命者也然世人狃於習俗不識古人之所謂賢者云何遂并今人之賢如古人中之所謂賢者而卒不能識夫君子氣象光明洞達言行經緯燦然豈真予人以難識者哉正坐已無所樹立故識見亦多所蔽耳昨歲蕃忝與鄉試分校親見閣下監試內闈口吟手

披卷不暫釋作爲文章廣大精微出奇盡變蓋宛然昌黎伯歐陽子自命之遺意而又非徒循書生故態守其官而不知其職也謹關防嚴書役肅簾政追中式卷齊闌中幾謂無事乃從容言曰聞往時二三場落卷有不登衡鑑堂者諸生苦心風簷何不幸至是且落卷必徧閱固 功令也飭各房逐一緝閱惟恐有遺珠之憾今中式第十二名陳生即落卷蒐獲者也其他事無巨細必慎必勤自昧爽至夜分無時而懈此何異晉陶士行宋韓范諸公勤於吏職苟事有未理即中夜弗能安枕者乎至於御僕從以莊而不以惡言詬詈供給所牲禽

林青山文集

卷一

十

敬義堂

除宴主司及內簾外悉以賞闈中匠役而不以充庖廚義盡仁至無不可法大抵道無不在居一職必有一職之道世俗以苟且失之閣下以不肯放過得之故自職所當爲而言則爲能盡職自道之體事咸在而言則爲能體道無二致也前蒙賜之官雜紀一編中所注在魯則興書院開河渠築河防身處波濤弗震弗惑在楚南則勤求民隱嚴私幸捕訟棍治胥役甚至微服親往津市以除奸黠安善良凡所經理無一非職亦何者不爲體道之事也昔杜少陵讀元次山春陵行謂得結輩十數公落落然參錯天下則萬物吐氣向使讀閣下之詩

其實心擊節而嘆爲萬物所恃賴者又當何如哉蕃文章事業兩無所成然如前所謂不敢自墜者非直恐仰媿古人亦恐爲近世之大賢君子所鄙棄也然衆以爲詭病者亦正坐此惟閣下不鄙棄之而反揄揚之意者亦見後世樹立者稀良材難得如蕃之拙於趨時或間有合於古爲可教以體道之事歟何其篤也夫子曰事其大夫之賢者友其士之仁者竊見時士多工媚說趨勢利苟利於己不惜破道義而爲之至卽以職分所當爲及讀書所學何事非茫然不識所謂卽掩耳而走弗欲聽故可友之士未敢輕許而如閣下之以古人事業

林青山文集

卷一

主

秋義堂

自命則實蕃之所當事者也然前在鄴如繁匏苟非簾務幾不得望見顏色今旣歸蜀澆瀕湖湘益覺遠闊就正之私恨無由遂然蕃平日酷好抗稱古人如漢之諸葛武侯唐之李鄴侯陸忠宣公以及宋之王沂公范文正公韓魏公司馬溫國公諸君子雖生不同時每讀其詩書考其言行輒感慨交集歌泣欲來夢寐間如或見之況睹其貌聆其論手受其詩文親見其行事而沐其教誨獎進如閣下者哉則就正之誠固有以神通而不以地隔者此可爲知者道耳前蒙爲撫憲言及給咨請速事得於四月中旬開舟七月中始得抵家舟中卽事

偶感或古蹟所在間以詩紀之謹附呈一卷詞雖不工然苟賜觀覽則蕃之鄙志不敢悖乎古亦庶幾略見於此也伏平昔誘進雅意不揣固陋遂發狂言唯閣下破格而包荒之幸甚

林青山文集

卷一

主

秋義堂

上李府憲書

蓋西蜀樛散模拙迂疎待罪於鄰惟率本心以勤事不知所謂好事上官者衆頗以不識時務目之蓋受其訕侮者數數矣憲臺卓識遠量至公至明上爲國家愛惜人才下爲生民飲食教誨起見屢加獎厲且爲各憲鑒鑒言之中心之好不啻若自口出蕃力不從心抱歉非一誠不足以當此然性雖迂拙平生謬以古人自待不甘妄自菲薄則於憲臺之教以循吏而不以俗吏相束縛者亦何日而忘之竊惟古今設官各有職守職之盡不盡官之賢不賢見焉縣尹之職非他清謹奉法勤

林青山文集

卷一

古

敬義堂

於民事如理詞訟課農桑除害興利訓士教民期於買太傳所謂移風易俗使民回心而嚮道是也後世之爲令者則不然大半苟圖利已不以循良自期矜奢靡崇宴樂務粉飾以多赴省郡工口舌欺各憲爲識時務不顧其安其有留心民事如恐弗及者則羣目笑心非而以爲不能且以爲不肖一倡百效愈出愈奇甚非國家設官循名責實之本意也惟憲臺之所見則大不然嘗論官須有勤民之實而不徒務粉飾之工況縣令養廉止有此數苟弗安省約數至省郡豈能無費非巧取諸民卽其暗虧倉庫者也且人卽至拙未有一日不能

治一事者省郡遠者往返動至月餘卽近亦不下半月是一月則廢三十事矣卽半月亦廢十五事矣況一日不當止治一事乎且民間訟事合兩造所干涉者至少不下六七人其多者至十餘人拖延一日卽受百累赤子何辜而堪此泄泄然不恤民隱之吏哉每言及此情詞肫切動色相戒此蕃之所親見習聞者也夫衆方以是爲能而憲乃獨以是爲不能衆方自以爲賢而憲乃以是爲最不肖豈故意相矯爲不近情之論以求異哉蓋報國之切愛民之深洞見此弊之不可以終日而發此深切著明之論也至論吏當嚴督於先不當以民之

林青山文集

卷一

五

敬義堂

刁控而輕棄於後當擇其賢者而曲爲保全不當併其最不賢者而概爲包容此皆爲政大體發前人所未發蕃幸不淪於時之所謂賢與能而甘自居於時之所謂不賢與不能故得荷憲臺之獎進矜全而併得與聞爲政之大體古人有言曰得一知己可以不恨蕃豈惟不恨且甚樂之今幸得回籍間遇可與言者輒大言曰府憲知我我雖窮不恨且窮而獲知已豈非古之人所視爲大不窮而可樂者乎但恨以疾歸不獲竭蹶職分以圖報於萬一耳然前居鄰體憲盛意期望宜讀不視爲文具必躬自講說反覆曉譬暇日輒到四鄉廣爲勸諭

或因公所至士民環集禁吏胥無得呵斥詢其患苦外

復諄諄誨之故民亦頗知感訟事漸稀夫子曰吾觀於鄉而知王道之易易也聖人豈欺我乎今將長老於鄉不復再出惟終體憲意以教鄉者教於鄉俾子弟知當處爲端人出爲良吏苟百人中得曲成一二異時不至壞俗病民是卽所以報憲愛惜人才爲生民飲食教誨之至意也又奚必沾沾如世俗所謂感恩圖報者云云哉蕃自四月初拜辭後獲咨開舟五月中旬抵歸州舟破僑居野廟江水大漲勢不可行六月初水頗殺始賃二小舟挽而上抵家已七月中矣中間迅浪奔濤頻罹

林青山文集

卷一

十六

敬義堂

危殆蜀江之險與蜀道之難並稱親歷益信沿途風景古蹟略見詩歌謹附呈一卷憲政偶暇如賜觀覽或亦見鄙志之不以困辱少挫爲有可教也

與楚南族人書 丁卯

遠處他鄉相距者數千里顧不以遠人爲不肖頻勞書疏音問某兄弟心感者多矣憶吾父移川時吾兄年雖少於故鄉風景情事依稀髣髴之間猶能言焉獨某生最後又未及歸里然聞諸父兄及南來者之所稱述則所謂洞庭之涵瀟衡陽之峭拔以及人物禮俗亦復歷歷如在目前未嘗不嘆吾鄉山川深秀風氣樸淳父兄之教克先而子弟之習能謹也瞻祠堂禮墳墓亦何時而忘之邇來年過壯矣學行庸陋志雖廣而才疎求所爲立身行道顯親揚名堪爲宗族光者於我何有屢欲

林青山文集

卷一

十七

敬義堂

南歸未獲如意乙丑夏得吾族相召書勗以忠孝爲心無忘源本某兄弟讀之且喜且感夫輕儇之夫流寓他邦輕變鄉語其於祖宗故處有絕不念及者予輩心薄之久矣況祠堂墳墓以及宗族維繫之恩誼尤吾父生前所極不忘者而謂某兄弟敢忘之乎所以歸志未遂者則耕經芸史且家中人力單弱故也目今以朋友相訂束裝攜篋爲觀光京師之計還里之期未敢預言然是行誠果也則於山見泰華之高於水見黃河之大且深過聖賢之里居經英傑之祠墓庶幾俯仰嘯歌豁心目沈閭陋他日由中原道還與吾族相見或者鄉人不

棄以爲不大負父兄之所教而得躋子弟之列焉未可知也至若志非溫飽且利鈍亦不可必其堪爲宗族交遊光寵與否亦奚足道焉

林青山文集

卷一

八

敬義堂

與謝敬菴書

乙丑初夏閱賢姊丈東過蒙揚詡喜與慚并卽欲奉酬一時無人南歸遂致久不爲報情禮殊疎幸勿爲罪聞諸吾兄云先大人以庚寅冬移廬也屈指計之今三十七八載矣生最晚如某者年已過壯則君與吾姊髮髮之蒼可知也我父母在日每言及吾姊相去之遠輒齎吞涕洟目不得一見爲恨或有人自故鄉來必細問君家中事觀父母之惓惓於君與吾姊則知君與姊之必不能忘情於吾父母也且觀吾父母之惓惓則予兄弟之不能忘情抑又可知也嗟乎山河阻隔動數千里兩地睽違徒爾屬思兄也居不同地某也并生不同方其若之何前歲君書來時吾族中亦有書來相召南歸省祠墓某以爲苟得歸焉則向之生不同方者今庶幾相見有其時也猥以人事紛紜不獲遠行志焉未逮者幾三載矣今年冬計欲北上未知南歸尙在何時特以簡酬且相慰焉又予兄弟三人及吾姊適李姓者皆無恙居同處予兄弟亦雍睦昔吾姊書來曾以此相勉故并言及云

林青山文集

卷一

九

敬義堂

姪興祖兄弟書

二月二十五日籤掣湖南衡州府酃縣二十八日 大
人看驗背履歷三月初三日 圓明園引

見奉

旨依擬用此皆祖宗餘慶父兄教誨之所致也但恨父
母早歿爾父亦不及見祿不逮養爲此生大傷心事也
代我致意你大爺勸他寬心莫憂保重身體自有相見
之期至於爾輩爲人若心要端正待人要寬厚嚴的是
禮義防閑不是以忿戾氣性加人也寬的是人情物理
不是以嬉笑狎褻近人也我已卯年本慮與祖體弱故

林青山文集

卷一

辛

教義堂

得一夢便不遠行常須體此意以保身興宗亦不可逞
身強強者每每易弱易病也此事關係甚大試將一家
人零丁孤苦思索之亦便不由人不保重身體矣資裕
不要督責過刻須寬嚴得體方可轉移要體味孟子中
養不中才養不才那養字若只管打罵不曉得養他廉
恥羞惡未見有教成者也且摧了長養之氣後來氣體
必弱長大必不壯旺亦不可不慮也至資裕讀書聽先
生及爾父爾叔教訓學詩寫字尤當以孝弟禮義忠信
不欺爲主本酃縣雖小民俗淳樸神農炎帝之陵在焉
衡州一帶文風甚好且去宜章祖塋亦甚近拜掃有時

也他人以我得此缺爲歎我本心卻以得此缺爲樂要
在我居官敬事盡職爾輩爲人忠恕端正互相培植祖
宗命脈光前裕後可也他何計焉

林青山文集

卷一

辛

教義堂

與趙希光求香遠堂遺文書

希光足下僕以先兄教訓略識數字追念先兄懷才抱奇數奇不遇讀其遺文不覺泣然淚下近來因爲覓求哀集略已成帙但念散佚尙多無緣收回惟前數年所作法慧庵募鐘引爲時猶近想寺中募簿必存敬託抄錄一紙對清帶來或即將簿攜至俟僕手抄更省事又先兄曾寄手札一封至黎城僕前過署時令叔父曾道及書中多箴規良語但今亦失稿若輔和及其弟到任省親敬託抄錄一紙帶回以便編次集中異日若幸得刊傳不惟先兄遺文藉以不朽卽令叔父居官樂聞善林青山文集卷一

主 教義堂

與趙秋闈學侶書

諸朋友進省經月想皆自能保愛無庸別慮近來寓所相聚學業進否識見不憂於退否大抵科名之得固在火候要到然亦有數存焉使盡由人期望卽得期望者可勝數耶不如安心聽其自然最有受用處在旅店誼罵所靜字最用得著收攝放心一切不可對人言之妄想一剎斬絕至於言詞第一毋說人長短炫己才能卽前輩文字亦毋向外間輕爲評論至於淫媒戲嫖語自應久經屏絕不俟此時方作破天荒語也有事要辦自須走動其餘勿事奔競馳騁驚耳目紛紜心性必損前輩林青山文集卷一

主 教義堂